



ეროვნული  
გეგლირთეკა


# საპარტეველი

სურათებიანი ლაგატი

გაზეთის № 28

ლაგატი № 6

პვირა, 5 თებერვალი, 1917 წ.



† ალექსანდრე ბესარიონის ძე კიკინაძე.



მხვერპლმეწირვა. ნახატი ს. ლაღივისა.

### ზ ი ა

ლორჯო გიავ, გაზაფხულის სტუმარო,  
კდემით სავსევე, მარად ნაზო, მღუმარო!  
სევდა დაჰქრის შენსა გარეშემოსა,  
შენი სული მორცხობით ვინ შემოსა?  
შენა ჰგავდე ჩემს მიჯნურსა მგონია;  
რა დაგხედე, მსწრაფლ წარმტაცე გონია!  
ეგ ფურცელნი სატრფოს თვალსა უდარე  
ლორჯას ფერით ტურფად შემოსუდარე?  
წამიერსა გმოსავს იდუმალობით!  
ნუ თუ მხოლოდ შენ გეპყრობა წყალობით?  
ის გინახავს, იქმენ სატრფოს სადარი!  
მეც მასწავლე, მისი ბინა სად არი?.

### მ ხ ე დ ა რ ი

დაბურულს ტყე-ღრეში გრიგალი ჰქრის.  
მთაბარი ზანზარებს, გრიალებს, თრთის.  
მერანი მხედრისა კიხვინებს, რბის.  
ოშხივარს ნესტოდგან ფრუტუნით ჰყრის.  
მძღაფრითა ჩლიქითა მიწასა სთხრის,  
სად მიჰქრის მხედარი? რა უნდა ვის?  
შეჰხედეთ კოშკია თხემზედა მთის!  
იქ რძალი ზენარი სარკმელთან ზის.  
გაჰყურებს მიდამოს, მწარედა სტირს.  
რა ნაღველს შეჰყრია, რა სევდა სჭარს?  
მიჯნურსა მოსტაცე, ტყვედ არის ის!

### გულში ვკლავ..

ზუზუნებს ქარი..  
კრთის ელვა ჩქარი!  
გრიალებს მეხი  
ქვაკლდეთა მტეხი.  
წვიმა სცემს სარკმელს...  
გულში ვკლავ სათქმელს!

ვითა ბუნება,  
შფოთავს გუნება.  
არ ძალმძის ლოცვა,  
სევდის წარბოცვა.  
რის ვაკმევ საკმელს.  
გულში ვკლავ სათქმელს!..  
სანდრო შანშიაშვილი.



# თეთრი ზაგახი

(რომანი)

V

ყოველთვის, როდესაც შინ დაბრუნებულა, ასე ჰგონებია, თითქოს მთელს საუკუნის განმავლობაში არ ენახოს. მისი ნახვა, მასთან ყოფნა, თუნდა უხმო საცქერლად, ერთგვარს მოთხოვნილებად გარდაქცევა. ქვეყნიერობაზე თუ რომ არსებობდა მშვენიერი და აზრიანი, ეს იყო მხოლოდ და მხოლოდ შეყვარებული გული. დაე, ყოველისფერი ჩაინთქეს, დაიღუპოს მისი ნაზ წიაღში, როგორც მისის ცქრიალა განთიადის სხივებში. „მალი“, აი წარმტაცი სიტყვა, როგორც აღთქმულ სამოთხის მითიური მშვენიერება. ლელოსთვის „მალი“ უწმიდესი ცნება იყო, რომელიც ყოველ საიდუმლოსა ჰხსნიდა, როგორც საწაულთა სასწაული. მის გარეშე ლელოსთვის ცხოვრება მეტად ტლანქი რამ იყო, აუტანელი, არარაობის თანაწერი. რა იყო ამ დროს მისთვის ცა, ანგელოსთა უმანკო ტრფიალი, იმასთან შედარებით, რასაც მას ანიჭებდა მალის თუნდა უბრყვილო გაღივება, ცქრიალა კისკისი, ალერსიანი მისი სიტყვა. საზოგადოება და ხმაურობა შესჯავრდა. ქუჩაში ვეღარ ნახავდით. ნაცნობ-მეგობრებს ჩამოჰშორდა. მრავალი მოიშორა, მრავალი ცუდად უყურებდა. ვინ იცის, რა არ დასწამე, რა ქორები არ გაუფრცხვლეს. ზოგი სიამაყეში ართმევდა, ზოგი კიდევ უხასიათობაში. არავის ჰაურდა გაეგო, რომ ლელოსთვის ბედნიერება სწორედ მკუდროება იყო, თავდავიწყება. მალის ერთი საათით ჩამოშორება მართობას აწყურებდა, რომ ოცნებით დამტკბარეყო, როგორც განდევნილი ილუზიათა ჯადოსნური სურნელოვნებით. მას არ ჰსურდა დაეჯერებინა, რომ ქვეყნად ყოველისფერი წარმატებულია, წუთი მეორე წუთს აღარ ეკუთვნის, ვარდის კოცნის მოწყვეტა ჰბარდება მარადისობას, თვით ტანჯაც თითქოს წამებით ისახლვრება. მარადიული განცდა, მარადიული ტანჯვა, ერთ გამქრალ ილუზიის ადგილას, ხალის შობვა, ხალის ნაღველით გადასერვა და ჩამოკაწვრა გულმკერდისა, რომ თვითეულს კრილობიდან ეფეთქნა ახალს სიცოცხლის ახალს კოკორს, — აი რას ეტრფოდა ლელო. მისი ოცნება დანგრეულ თავდავიწყების კოშკში წარმოიდგენდა სიხლოეს, ახალს შობვას, წარმოიდგენდა წარმოუდგენელს, ვითომც მალი მისია, თითქოს იქარწინა კიდევ, მის კალთის ჰამაკში წევს და ტკბილ ზმანების ნეტარებით სტკბება, ითვრება. ოცნება და სინამდვილე, მოჩვენება და სხეული ერთმანეთში ერეოდა და მომზაბლულ ფეირვერკით უთანათინებდა მის სეგდიან თვალებს. ეს სულ სხვა რამ იყო, სულ სხვა სახის სილამაზე, სხვა ოცნების მასაზროვებელი მშვენიერება, რასაც წინად მხოლოდ რჩეულ მგოსანთა ნაწარმოებთა შორის ჰხედებოდა. რა უფერული და გულუბრყვილობით დაბრმავებული იყო ამ მხრივ მთელი წარსული ყრმობის ხანა, ეს ის ხანა, როდესაც ქალის ღიმილის დანახვაც კი მორცხვობით ჰრთავდა, როგორც ახლად აღკვეცილს ჰბაჟე მწირს მადონას მშვენიერებით აფეთქებულ ვნების შეგნება. იმ დროს ლელო რომანებისა და პოემების კათ-

ხვით კეყოფილდებოდა ანუ რომელიმე მხატვრის ნაწარმოების ხილვით, ან და მოქანდაკის მიერ მარმარილოთი ნაკვეთ მშვენიერებით. ახლა კი ყოველისფერი ღირებულება გარდაფასებულ იქმნა. რა შედარებაა ოცნება და სინამდვილე! განა მალი ოცნებაზე უტკბესი არსება არ იყო? განა მალი მის მოწამულ ბედნიერების მარადისობას არ წარმოადგენდა, როგორც საშინელი ღმერთი და მის გარშემო შესრულებული მომაკვდავთათვის უცნობი საღმრთო წესი და ადათები? მალი მისთვის, დიხაც, სიხარულისა და კეკლუც აღტაცების სხივებში მოქსოვილი ყვავილის სანეტარო სონეტი იყო, რომელიც შეიცავდა და აღავსებდა მთელს მის წარსულს და დამტანჯველს მის მომავალსა, რომლის მუსიკა აბრუებდა მის დატანჯულ სულსა. გრაციითა და ნაზი სიმტკიცით სავეს მალის ჰაეროვანი მოძრაობა, მისი ოდნავი შერხევაც კი ლელოსთვის ნაადვილი ღვთაებრივი ბნის შტოთა საიდუმლო ჩურჩული იყო, რომელიც უდაბნოში გადაკარგულს მოგზაურს განსასვენებლად მოუწოდებს თვალთმაქც ჩვენებით.

სრულიად მოწყვეტილი ერთად ერთი ანთებულ გულის ანაბარად ხშირად გაქრილა გარედ და უდროოდ მოჰყოლილა ხეტიალს. ტუჩები უთართოდნენ. საყვარელ არსების ადევნებელი ლანდი არ ასვენებდა როგორც ეულს, ფეხდაფეხ სდევდა, კოცნად უბძობდა, აგებებდა გაფიცებულს ტუჩებს, მაგრამ სადღეოდლოს გადმოხრილ ტუჩთა კოცნის ნაცვლად საზარელი სიცოცხლის ხარბი მოესმოდა. რა კარგი იყო ეს თამაში. ლელოს ეს ტანჯვა სიცოცხლის ფასად უღირდა. ჰსურდა, ეს დაცინვა ათასჯერ განმეორებულიყო, ოღონდ მართოდ მართო ნუ იქნებოდა. იგი მთელს თვის გრძობებით მოუწოდებდა საყვარელ ლანდს. მის მაცდურს ჰაეროვან შემოხვევას სინამდვილედ რღებდა, დაცინვას ლოცვა-კურთხევად. ისე ჰგრძობდა თითქოს მალი კი აი მაცდურობს, არამედ ნამდვილად მასთანა, ეხვევა ხორციელად, მთელს თავის ქალწულების უბიწო გატაცებით, ოცნესაც ღმერთი მართლა ღმერთობს და მის მკუფებასაც ბოლო ეღება მათს დაშორების უქალ. ალერსით დწნული გვირგვინები დაფნის შრიალით ჩასჩუჩულდება საყვარელ შაბლონს „მიყვარხარ... საუკუნოდ შენი ვიქნები“... ვინ ასწერს ამ დროს ამ სიტყვის გრძნულ ძალის მშვენიერებას! და აი ლელოსაც სჯეროდა ყველა. აუწერელის სინაზით და დაუსრულებელის ჰარმონიით აღსავსე გულით მისის ვარდად იშლებოდა, ზურმუხტ შტოს ღერით განგებ მალისკენ იხრებოდა, თითქოს ჰსურს გამოისთხოვოს თუნდა მხოლოდ ერთი კოცნა, რომ დამშთავალს სულს უუფუნა ცვარნამი ეღირსოს, აჯეჯილდეს და ზურმუხტად აბიბინებული მის ნიავის ფრთით მოჰყვეს ღიანს და ღვთის ქებასა.

— აჰ, რომ შეიძლებოდა ყვავილად გარდავიქმნე, თუნდა იმ „თერთ ზამბახის“ სახიერებად, რომელიც ასე რიგად მიყვარს, როგორის სიყვარულით დაემშვენიერებოდი მის ოთახში და მუსიკის კვნესას იღუმალის ხმით ჩავაქსოვდი ჩემს სულის კვნესას. ასე დამდნარი და დამკნარი მის თამაში

დროს მოულოდნელად მოგწყდებოდი და შუშის ვაზიდან თეთრ ფაფქის სახით ვიწყებდი თოვას როიალის შავს სახურავზე.

მაგრამ ყოფილა ისეთი წუთები, როდესაც უკიდურესობისთვის მიუმართინია. ამ დროს შესდგებია თავისი თავი.

— რის მაქნისი ვარ? ასეთი გაუბედავი და ლაჩარი ვის რად უნდა? მუდამ გულჩათხრობით ყოფნა, შუბლის შეკვრა, აჩრდილთა გამოკიდება და ბედის ჩივილი და არასოდეს მოქმედება! ეს ხომ ჰამლეტიზმის საზარელი შაბლონი არის! შორს ასეთი ყოყმანი და გაუბედავობა! რაო ჩემო რომ უყვარს! მეც ხომ მიყვარს, მაშასადამე, მეც მაქვს უფლება მშვენიერებას დავეუფლო. განსხვავება ისაა, რომ ის წინად შეჰხვდა, დამასწრო, მე დავეგვიანდი... დაგვიანება კი მხოლოდ თვალთმაქცური და მეტად ყალბი, გამოუყადგავო საბუთი გახლავსთ რაიმეს დასამტკიცებლად. ცხოვრებას მნიშვნელობა სწორედ ასეთი სიფუქსავატისგან ეკარგება და ცნებათა აღრევაც სწორედ მისგან წარმომდინარეობს. ტრფილება ყველას ერთგვარ უფლებას ანიჭებს. და თუ გაბედულად არ ვიქცევი, მხოლოდ იმიტომ, რომ ჩემში სკაობობს ცხოვრების ზედმეტ ძარგ ჰამლეტს გრძნობა, მისი გული. ვგრძობ ცეცხლს და არ აოის ხების ყოფა, როგორც მძლავრად უნდა სტოკავდეს აღოს. ხეთქად. რა ვარ ეს კია ადამიანი, თუ კი ჩემს სურვილს ვერ გავფურჩნი, რომ ძალის ფერხთან ცხადად გავშალო ჩემს გრძნობათა ოქროს თავთავი, მივიკოა გულზე და გარდფეშალო ძრისხანე, მაგრამ სასუკვო გომნობათა საიდუმლო! ავახაკი ვარ ჩემს გულის წინაშე. ჩემში არა ჰქრის საღი, ძალოვანი პიტალო სტიქია, არა ჰფეთქა ღვთაებრივი სიტაბუქის ამაყა სისხლი, არაა აპოლონი, დიონისომ ზურგი მაქცია, არც თუ პერსეს ლამაზ კუნთებს ვუყურებ მკლავზე, რაა შიშველი, მისავეთ სრული, ტახადი, დაფნის გვირგვინით და დამკვრახულ მტეგნებით შემოფარგლული თნით ვეწვიო ჩემს სულის სასძლოს, ჩემს სიძლიერეში დავარწმუნო, გავიდედოფლო, დავავიწყო რომ არსებობს სხვა მეტოქეცა, სრულიად უყოყმანოდ გარდაცეწყვეტინო ჩემთან ყოფნა, წარვიტაცო შორს-შორს, უდაბნოს ომელიმე ოახისში შრიალა ბზათა ჩრდილს ქვეშ ანუ დაშანთულს კლდის საწოლზე, რომ იქ, მხურვალე ფილამქახზე ჰბუჟ ბედუინის ვნებათა ცეცხლით დავწვა, დავადნო, ვადიდებინო წარმართობის დიადი ღმერთი.

უზომოდ შესჯავრდა თავის თავი.

— ასეთი ყოფნა ნამდვილი პარალიტიკის შესაფერია, — სჩიოდა თავისთვის, — და მე ხომ ჯერ დამბლა არ მომსვლია, რომ მეშინოდეს მისმა შეხებამ და სარეცელის გაზიარებამ არ დამასამაროს მეთქი. არა, ასე არ შეიძლება. ჯერ ჩემი ჰბუჟობის შემოდგომა არ დამდგარა, გაზაფხულის სილალით ვჯეჯილობ. ჩემს გარშემო ყოველისფერი ზურმუხტად ჰფეთქს, მივჯეჯეცა მივსწერ ლაიპციგში მონახოს სხვა, ერთი სიტყვით, რაც უნდოდეს ისა ჰქნას, ოღონდ ჯგარედინს გზაზე ნუ გადამედობება.

დაბეჯითებით გასწვდა მალის ბინდისკენ, ეგონა, ამით ყოველისფერი

გათავდებოდა, ეს უკანასკნელი შეხვედრა იქნებოდა ჰოსა და არას გადისაწყვეტად. მაგრამ მივიდოდა თუ არა, კარებში ატუხული მთელს საათს ლოდინში და ყუყმანში ატარებდა. როდის-როდის ფრთხილად მიუქაკუნებდა კარებს და ათრთოლებულის გულით მოელოდა დიასახლისის გამოჩენას.

— თქვენა ხართ? რატომ დაგვიანდით?

ჰკითხავდა ცქრიალა დიასახლისი და ლელოც ჩვეულებრივი ჰანგით მოიბოდიშებდა, ესა და ეს შემხვდა, აქა და აქ ვიყავი და იმიტომ დავეგვიანდიო. მალის ამასობაში გაწყობილი ჰქონდა კიქა ჩაი. შეექცეოდნენ. ამ მთის ზღაპარს იმ მთის ზღაპარ, და დაპზლართავდნენ და ბოლოს ხელოვნებით გაათავებდნენ. მალი აღტაცებით მოუყვებოდა თუ დღეს რა პროგრესს მიადღწია, შტრაუსის ვალსები როგორ დასძლია ან და რა მისწერა გეგეს.

— წარმოადგინებთ, გეგე გაგიგებით მიყვარდება, — ეუბნება ერთხელ, — რა მეძარტება, არ ვიცი, მაგრამ ასეთი სისულელე კი ძიცავს. ასე მგონია, ეს ოთახი სურნელით აივსო და მის სიყვარულსა შოაფრქვევს მეთქი. სულ იმის ფიქრსა და ალერსში ვარ, ველოლიავები იმ წუთს, როდესაც ჩამოვა... მოუთმენლობა მკლავს, როდის მოვა, რომ სამთავე ასე მკუდროდ, მეგობრულად დავსხდეთ ერთად და... არა, სისულელეა, გახა, რომ ბავშვსავით ასე ვტიტინებ?

— განა როდის აქეთია, რომ ასე გახდით?

— რაც თქვენ გაგიცანით.

მალიმ ვერც კი შეჰნიშნა თუ გულუბრყვილო განცხადებაზე ლელო როგორ გაფითრდა.

— ჰო-ო?

ათრთოლებულ ხმამ მიიქცია მალის ყურადღება. მხოლოდ ეხლა შეჰნიშნა ლელოს ძიბინდებულ თვალთა გაშტეოეა და თავის და უნებუოდ უცბად თვითოხაც წამოჰკახლდა და ხაა ჩაუწყდა.

VI

როდესაც მართოდ დარჩა, მალი ბეგრს ეცადა ლელოს გაფითრების საიდუმლო ამოეკითხნა, მაგრამ ეს ისევ გაუგეობარი იყო მისთვის, როგორც მისი უნებური წამოწითლება. ბოლოს გეგები გაჰვანტა:

— შეუძლიელია, შეუძლებელი! ლელო მაგას არ იხავს.

გული დაიმშვიდა და ახლა სხვა ახარეს დაუბრუნდა. სამინლად სწყინდა, რომ ლელომ მხატვრობაზე გული მიცრუვა.

— აქ მე მასწავლის და თვითონ კი აოასფეოს აკეთებს. რა საჭიროა? ვის რად უნდა ჩემი საშვალო დაკვრა? სულ ერთია, ვირტოუზი აი გამოყვალ და თუნდაც გამოვიდე, საშვალო ცოდნას ძამაკაცი, ვისაც ვირტოუზობის დიპლომი არ მიუღია, ძაინც მაჯობებს. მეტად ვაზვიადებთ ქალებს: უფლებებს და გათანასწორების მოვითხოვთ იქ, სადაც თანასწორობას ვერ შეგძლებთ. დღემდე და მომავალშიც ხელმწიფება ყოველს სფეროში ძამაკაცთ ეკუთვნით. ქალი ვარ, მაგრამ რაც მართალია, მართალია! ქალს თავის გრძობათა გარდმოცემა, სფიხიური ანალიზი მოხდენაც კი არ შეუძლიან, თუ ძამაკაცი არ დაეხმეოა. ჩვენი ხელოვნება სიკეკლუცით უნდა



სიკვდილი ბრძოლის ველზე.

შემოიფარგლოს. მარტივი სიკვლეუცე — იქ ქალთა უმალლესი ხელოვნების დევიზი!

ამიტომაც როდესაც ნახავდა ლელოს, სულ საყვედურით აღჩიობდა.

— რატომ დაანებებ ხატვას თავი?

ხომ იცით, ხელოვნება ჩვენში პირველ ყოფაშია, ყოველ შემთხვევაში რაც დამოუკიდებლობა დაკარგეთ, პროგრესისკენ ფეხი არ გადაგვადგია. შევიყინეთ. ახალთაობა მოვალეა ყურადღება მიამჯობოს ამ გარემოებას და ვისაც რა შეუძლიან, მით ემსახუროს სამშობლოს კეთილდღეობის გაფურჩინას.

ლელო დასტურსა სცემდა. ჰპირდებოდა, ვიმუშავებო, მაგრამ ნამდვილად არას აკეთებდა. დღითი დღე სიყვითლემ სწეულის შეხედულობა მისცა. მალი ჰშფოთავდა. არ იცოდა, რით და როგორ გაეწია დახმარება. ხშირად წასულან სასეირნოდ, თეატრებს არ აკლდებოდნენ. უნდოდა, ამით გაერთო იგი, მაგრამ მაინც ვერას ვახდა. ლელო ყვითლდებოდა და ყვითლდებოდა. მალის ალლომ დაუწყო კვენსა. ქალურმა გრძნობამ და ცნობისმოყვარობამ იწყო წამოქოთება.

— ლელო... მაკვირვებთ... ღმერთმანი, რა გემართებათ არ ვიცი, — ეუბნება მალი ერთს მშვენიერს ს-ლამოს, როდესაც ჩაის სმა გაათავეს: ბავშვი ხომ არა ხარ, უნდა თავს მოუარო.

— შემიძლიან და არ ვუვლი?

— კა არ გეტყობათ და...

დუმილი ჩამოვარდა. მოწყენილობამ დაისადგურა. ისევ მალიმ სცადა გახმარულება.

— იცით, ლელო, გეგესგან წერილი მივიღე. სალამს გიძღვნი, ძალიან გაპზარებია ჩვენი დამეგობრება.

— მართლა?

— დიანხ... ბევრსაც მეხუმრება...

წავიკითხავდით, რომ...

— არა, რათა... მე მაინც...

— ახლა საწყენად ხომ არ ვსთქვი, აქ ისეთი არა სწერია რა... შეგიძლიანთ წაიკითხოთ...

— გმადლობთ...

— სხვათა შორის საინტერესო ის არის, რომ მაისისთვის დისერტაციას წარადგენს და მარიამობისთვისთვის ჩამოვა.

მალი ატიტინდა. ათასი ოცნების ხარე გადაჰშალა. ასე მოვიტყვევით,

ამას გავაკეთებთ, იმასო და ვერ ამჩნივდა თუ მისი საუბარი რა გემუნვარი შთაბეჭდილებას ახდენდა ლელოზე. ბოლოს ლელოც ამტყვევდა. მღელვარე ხმამ მალი შეაკრთო, წინადღით შთასახული ექვეები წამოუქოთა, თუმცა არა შეანიშნინა-რა და ეცადა, როგორმე გაემხიარულებინა.

— რა გქნა, რადა ხართ ეგრე მოწყენილი? ნუ ხართ აგრე სივდიანი, გამხიარულდით... მაგრამ ჰო... რა სულელი ვარ... ქალებს ხომ განსაზღვრულა გონება გვაქვს და სად შეგვიძლიან მამაკაცთა აზრები დავაინტერესოთ.

კიდევ ბევრი რამ უთბრა. ლელო აინთო. უნდოდა ეთქვა, რომ ქალის ტუჩთა თუნდაც უცხო მეტყველება მაიელს მამაკაცთა აზროვნებასა და მჭერმეტყველობაზე უადრესი და შინარსიანიაო, მაგრამ ვერ მოახერხა. ერთი სურვილით იყო გატაცებული, საჩქაროდ გასცლოდა ამ ოთხს და უკვალოდ ჩაკარგულიყო.

— ლელო, — მოკრთალებით შეჰნიშნა მალიმ და სევდით მოცულს თვლებში ჩააცქერდა.

— ნუ მიყურებთ, მალი, ნუ, ნუ...

შევედრა ლელო და თვალები მოიფშვინტა, რომ მოგუბებულ ელექტრონის ნაპერწკლები ვადმოეკვესნა. მალი სახტად დარჩა.

— ლელო, ლელო...

შეჰნიშნა გაფითრებულმა და ამდვრეულს თვალეში უფრო დაკვირვებით დაუწყო ყურება, თითქოს გრძნეულ ლუისმებით ჰსურს ჩაეკრას და საიდუმლო ფსკერიდან ამოაწუროს ამოსაცნობიო.

— თქვენს ათრთოლებულ ხმაში ვგრძნობ შიშს... ნუ ჰვლავთ, მალი, საიმისო არა მომხდარა-რა. აი, გაიარა საშინელების ტალღამ... დამშვიდდით...

— ლელო...

— მე ერთი უღატაკესი უბედური მილიონერი ვარ, მალი, და სწორედ ეს მასვედიანებს. მთელი ჩემი ქონება მილიარდებულ ჰქობდა, უძირო პანამა იყო, მაგრამ რას ნიშნავს მთელი ეს სიმდიდრე იმ ლალის, თვალთან შეღარებით, რომელიც შემთხვევით ვიპოვე გზად და ბავშვურის გოგონა ელოებით გადავტყუარკნე ზღვად ოქროს თევზების გასართობად! დავკარგე ჩემი ლალი და მილიარდებმაც დაჰკარგეს

შნო, როგორც რიყის უბრალო კენჭებმა. მაშ რა ვარ, მალი, რა? ან რაღა მრჩება სასიხარულო, რომ ვრცინო, ქვეყნის ბედნიერების ფერხულში ჩაეება? ნუ მკითხავთ, რაღა ხარ მოწყენილი, არა, მკითხეთ, რაღა მაქვს სახმარალო! თქვენთვის, დიხაც რომ ყოველსფერი რიგზეა, უფლებაცა გაქვთ ბედნიერი იყოთ, რადგანაც თქვენ ღარიბი მთელს მილიონებს ჰშოულობთ, მილიარდათ შეუსყიდველ იმ ლალსა და იავუნდა აგომანებთ თლილი თითებით, რაზეც მე, მალი-არდელ ლატაკს არასოდეს ხელი არ მამიწვდებდა. გაიხარეთ, მალი, გაიხარეთ! მზე თქვენთვის თინათინობს, მაისის ვარდები თქვენთვის იფურჩინებია, ფრინკელთა გალობა ღვთაების ორკესტრად შეგესმით, მწერნი თქვენთვის დაზუზუნობენ, ვარსკვლავნიც სხივთა ყვავილებს გიფენენ ფინდაზად, იავუნდა და ლალს გესგრიან და მარგალიტის კუნწულა კისკისით თავზე გივლებიან, ზმანების ღიმილად გფურჩინან და ალერსით გათრობენ. მე კა, მე... მალი... ნურასა მკითხავთ... სული ჩემი ერთ დროს სამოთხის სადარი და ვარდ-ყვავილების უმქნარა ხეივანი, დღეს მთლად ჩამოსკენა, გაუდაწოვებულია. აღარასფერს არ ეთვისება. მართალია, ძველად რაღაც დიდებულ რამეებზე ვფიქრობდი, ვგოცნებობდი, მაგრამ რაც საიდუმლოს დავუახლოვდი და მას ფარდა აეხადა, როდესაც დავრწმუნდი, რომ ყველა ეს ციური სამკაული გატყუარცნილია, ოცნების ბანკში დაგირავებული და მაცდურ ციარტყელის სხეებით ათინათინებულა, დავეცი, წარმოიქვა ჩემი სიონიც, მილიონერი უყერივ გლახაკის ბედის მომჩივარი ვავხდი. აი, ამიტომ არის, რომ ჩემი იდეალი, მიუწდომელი ჩემი ოცნება ეხლა ისეთსავე სისულელედ მიმაჩნია, როგორც ლოთ მაწანწალას ღვთაებრივი მადონას ჰაეროვანი სანახაობა. არა, ნუ მკითხავთ, მალი, თუ რაზე სწუხან ჩემი მბინდული, უძილობით მიმქრალი თვალეები, ან რას დასტრალევენ გასისხლიანებულის ფრთებით წუხილისაგან დამსხვრეული შავი ფიქრები.

მალი თრთოლვით უსმენდა ლელოს უცნაურს აღსარებას. ხან ფითრთებოდა, ხან კა წითლდებოდა. თვალეები დაეხარნა, თითქოს ჰგრძნობდა, რომ

ამ „მილიონერის“ გამლატაკებელი მართლა ის იყო.

— იცით, ლელო, — შეჰნიშნა მორცხვად, — ჩემს ცხოვრებაში თითქმის დარგი არ დარჩენილა, რომ არ მევარჯიშნოს, მით უმეტეს, ფილოსოფიაში, მაგრამ, წარმოიდგინეთ, დღევანდელი თქვენი ფერადოვანი, უკედ, მისტიური აღსარება, ჩემთვის მიუწყდომელია, უცნაური. არა, შეიძლება უცნაური არ იყოს, მაგრამ დღეს ასე მომეჩვენა. არც მსურს ბუნდოვან სამეფოდან კონკრეტ საკითხებში გადაგიყვანოთ. როგორც ქალს შემიძლო ამ მხრივ თავიცი კი მომეგზრებინა თქვენთვის ათასი ცნობისმოყვარეობის დასაკმაყოფილებლად, მაგრამ გუნებაზე არა ვარ, სხვა დროისთვის იყოს. ისევ სჯობს ფილოსოფოსობას დროებით თავი გავანებოთ და საყვარელ მუსიკით გავფრთოთ. როგორც ყოველთვის, დღესაც მსურს „თეთრი ზამბახით“ დავიწყო და მათვე გავათავოთ. ვერ წარმოიდგენთ, შემოიყვარდა ეს სერენადა! იგი ერთგვარი სიმბოლო ვახდა, რომ მთელი ჩემი ცხოვრება მისი სინარჩარით და უბიწოებით შევაზავო. აი, შეჰხედეთ როიალზედ გამწკრივებულს შუშის ვაზებს და თეთრ ზამბახებს. როგორ მოგწონთ? ის უცნობი კომპოზიტორი კმაყოფილი დაოჩებოდა, აქ რომ შემოეხედნა და დაენახა, რომ ერთი თავიანისმცემელთაგანი უცხოეთშიც ჰყოლია, ახიისა და ეგროპის გასავალ კარში.

— უცნობი კომპოზიტორი კმაყოფილი დაოჩებოდა...

გაიმეორა თავისთვის ლელომ და აფითრებულ ლოყებზე ხელი ჩამოისვა, რომ შეჩერებული სისხლი აემოძრაებინა.

— განა? მე მწამს... მწამს... ნეტავ თუ დაკვრას არ დამიწუნებდა?

— როგორ, მალი, თქვენ ისე ჩინებულად უკრავთ, ისეთის გრძნობით, რომ...

— განა? ოღონდაც! ასეთი უკვდავების ნიმუში აღამიანმა მთელისთვის არსებით უნდა შეიმცნოს, შეიყვაროს და მაშინ ეზიარება ამ მშვენიერების საიდუმლო ნეტარებას. გინდათ, დავუტყრა?

მაგრამ მალის დასტურისთვის აღარ მოუცდია. კლავიშები მის შუშა თითების ქვეშ რაღაც გრძნობათა სალაროდ



გარდაიქცნენ. ცხოვრების მშვენიერება მთელს ილღუზიად გარდაიშალა. სიხარული და მწუხარება ქალწულების იერიით ჰკრთოდნენ და თითქოს უღრანი ტყიდან ზურმუხტ მდღელოზე ცელქი ელფვით გამოჭრას ჰლამობდნენ, ეს იმ მდღელოზე, სადაც ანტიურ ქალვაჟთა საუცხოვო ქანდაკთა ხეივანი ცეკვად უხმობდა თვითონ ღმერთებს. პარველმავე აკორდმა ისე აუძკერა ლელოს გული, თითქოს ტყვედქმნილი ფრინველი ყოფილიყოს. ასე ეგონა გული გაეხსნა და ამ სინაზით აღსავსე აკორდის ტალღები იქიდან მოსჩქებს, სურნელად ეფრქვევა ამ ოთახს და იმიტომ არის, რომ ეს კვნესა, სიცოცხლის ძახილი, ეს მის გრძობათა უკიკლუცესი და უკეთილშობილესი გამოძახილი, ასეთის სინაზით ეხვევა მას, ვინც გახდა მის შემოქმედების ზეშთამგონებელად. მალის ეს საიდუმლო ტალღები სწორედ ისეთივე სიყვარულით ეხვეოდა გარს, როგორც ზვირთებში ამოცურებულს აფროდი-

ტეს ქაფის ლეჩაქი. ვით ტალოებზე მსრბოლელი ნავით გასერილი ზვირთები თეთრს არშის მარათი აშრიანობულ ხვევან-კოცნით იკეცებიან და უფსკრულის გულმკერდისკენ მიისწრაფებიან, ისე მალის მიერ ათროლოებული აკორდი მიჰყვებოდა მეორე აკორდს და გრძობათა ხვეულით გულის სიღრმეს ექსოვებოდა.

— აჰ, მალი, მალი...

ოდნავს ამოკვნისთ წაიჭრჩულა ლელომ. მალი შეკრთა. არასოდეს არა ჰსმენია ასეთი მისტიური და ძალოვანი, უცნაურობით მოკული ხმა. მთელს სხეულში ჟრუანტელმა დაურბინა. თავდავიწყების ლეჩაქი გაიხია. თითქოს თავბრუ ესხმოდა. უნდოდა თამაში განეგრძო, მაგრამ თითები მოუდუნდა, ხელი არ ემორჩილებოდა. ის-ის იყო კლავიშებზე მოსწყდებოდა კიდევ, რომ კლავიატურის მაღლა როიალის შავს კრიალა სარკის პირზე საილღუზიო ტონებით შეკაზმული ლელოს სახე დაინახა. ფერმიმკრთალ

გარდის ლანდს საუცხოვო თინათინებით შეჰვლებოდა შეგტონების მოგლვარე ტალღები. ლელო მის თავთან იხრებოდა. ორიოდ წუთით გარინდულმა მითროლოვარე ხელი გააწოდა, უხმოდ ასწია მალის მოდუნებული მაჯა, ნელ ნელ ტუჩებთან მიიტანა და დიდხანს, ძალიან დიდ ხანს უხმოდვე ცრემლებით ჰნამავდა მის ბროლოფქალ შუშა თითებსა. მალი ჰიპნოზმა შეიპყრო. მის ხელში გაინახა. სულ ვერ ამჩნევდა, რა ჰხდებოდა. არც ერთი შებრძოლება, არც ერთი საყვადურის კილო, თვით მაშინაც კი, როდესაც ლელომ ხელიდან უხმოკატცნა შუბლზე გადაიტანა

ამით დამთავრდა საიდუმლო განდობის სცენა. ლელო გაპშორდა. უხმოდ, გამოუმშვიდობებლივ ფარფატით მივიდა კართან. სანთელსავით გაფითრებულმა ამღვრეული თვალები რამდენჯერმე მალისკენ გადმოჰხარა, მაგრამ ვერა შეამჩნია რა. მის გარშემო თითქოს ყოველისფერი ტრიალებდა,

ყირავდებოდა. გავიდა. კარი სიფრთხილით გაიხურა. მალი კი სახარის მდგომარეობიდან ჯერაც არ გამოსულიყო. კლავიშებზე ცალი ხელი მოწყვეტით დაშვებოდა. პედალზე მარცხენა ფეხი დაეჯინა, მოდუნებულ იდაყვით თავს ძლივ-ძლივობისას იმაგრებდა. შემდეგ, თითქოს თავი გაახსენდაო, შეკრთა. შეშინებულსავით ოთახს თვალები მიმოავლო. ათასი უფსკრული შეამჩნია: თვითეული მათგანი საშინელებით ემუქრებოდა. მაღიმე თვალები მოჰხუჭა, წამით წამოხტომა მოინდომა, რომ უცნაურ ლანდებს გაჰქცეოდა, მაგრამ ფეხები არ დაჰპორჩილდა. გულმა კივილი დაუწყო. ერთხელ კიდევ მიმოიხედა, ახლა კარებს მიაჩერდა და რომ აქაც ძეხორციელი ვერავინ შეამჩნია გამოსახმაურებლად, კლავიშებზე იბრუნა პირი, დაემხო და თავშეუკავებლივ აქვითინდა.

დ. კახრაძე.  
(შემდეგი იქნება)



ვანო სარაჯიშვილი: „...შემიბრალე, გენაცვალე!“

ზარუები მ. ზიაურელია



ერისთავი და შავარდნაძე: „ფრესკებისაკენ!“